

مجموعه ابو الخیر

ماسوا شایسته شدن دلی تطهیر و چاش
پرتو حکمت و عرفان ایله تنویر آتش

هر ماه عربی ابتدا سیله اون بشنده نشر اولور قون مجموعه سیدر

جزو ۳۷ [فی غره محرم سنه ۱۳۰۲] نسخہ سی ۳ غروش

تاریخ

ناپولئون بوناپارته

مستقوه سفری اوزرینه سنت آلن یادداشتده یازدیغی مقاله مخصوصه

« براز وقتدن بری فرانسه ایله روسیه آرهسنده بعض مرتبه اختلاف افکار پیدا اولمش ایدی .

« روسیه دولتی انکلتربه قارشی اولان اوروپا سواحلتک آبلوقه اصولی یامال ائلسندن فرانسه روسیه یی بوبابده تعیب ومواخذة ائتمکده ایدی .
« روسیه ایسه دوق دولدنورغ نامنه تضمینات طلب ایدر ودها سائر مطالباتده بولنور ایدی .

« روسلر وارشاویا دوقه لغی قربنده تحشد ائتمکده اولمرندن آلمانیاک جهت شمالیه سندهده بفرانسز اردوسی تجمع ائتمکده ایدی . مع مافیه هنوز محاربه یه قرار ویرلماش ایکن برروس اردوسی ناکهانی مذکور دوقه لاق اوزرینه پای انداز تجاوز اولور . وروسیه نک پارس سفیری [اولتیماتوم] مقامنده فرانسه حکومتیه برقرار متکبرانه اعطا ایلر . و سکر کون طرفنده تقریرک محتویاتی قبول اولمادیغی حالده پارسدن حرکت ایلیه جکی مقام تهدیده قید ایلر .

« ایشته اووقت بونک براعلان حرب اولدیغنه اعتقاد ائتم . اوتهدن بری بویله برطور ومعامله یه آلتشمش اولدیغیم کبی دشمنک بندن اول طاورنسنه انتظار ائتمک دخی معتام اولمادیغندن ، روسیه علینه یوریمک ایچون متباق اوروپا دولتلرینی کندیمه جلب وقوماندام تحتیه ادخال ایده بیلور ایدم . بوشبث افکار عامه نک آرزو ائدیکی برشی اولوب دعواده اوروپا یه عائد بردهوی ایدی . باخصوص بومحاربه فرانسه نک اجرا ایده جکی صوک

بر غیرتی اوله جفندن، کرک کندی اقبالی و کرک اوروپا اصول جدیده سنک
تأمین استقبالی آرتق او محاربه نك نتیجه سنه وابسته ایدی .

روسیه، انکلترونك صوك کوه نه جك بردالی اولدینی کبی جهانك
صلح و آسایشی دخی روسیه محاربه سنه منوط بولندیغندن موفقیتدن شبهه بیله
اوله مز ایدی . حرکت ایتدم . مع مافیه روسیه سفیرینی کیر و چاغره رق
اعلان حرب ایتیش ایکن بن ینه حدوده مواصلتمده کندی سفیریمی یعنی
(لورستون) ی ایمپراطور آلکساندره کوندزمکی بروظیفه عد ایلدم
ایسه ده مشار الیه رد ایتدیکندن محاربه یه مباشرت اولندی .

« مع هذا بوگا کیمسه اینانمز ایدی . کرک آلکساندر و کرک بن
محاربه ایتک آرزو سنده بولنمدهغز حالده یکدیگری نه طار طلق ایستیان ایکی
قبادایی حال و طور ونده بولنمده ایدک . بن جداً محاربه ایتک ایسته مزدم .
چونکه نا مناسب احوال ایله محاط بولنمده ایدم . مؤخرآ آلدیغم معلومات
موقوفه یه نظراً آلکساندر محاربه ایتمکی بنم قدر دخی آرزو ایتمز ایش .

« پارسده مناسباتی بولنان و مؤخرآ روسلرک دوچار اولدقاری
موفقیتسنر للککر اثناسنده ایمپراطور آلکساندره اتخاذ ایتدیردیکی قراردن
طولایی مشار الیه طرفندن شدیداً مظهر توبیخ اولان موسیو [دورومازوف]
بنم شاشرمش بر حالده بولندیغندن محاربه دن توقی و اجتنابدن طولایی
مامورلردن زیاده فدا کارلقده بولنه جغفی و حاضر فرصت الله ایکن آنی
قاچر مامق لازم کلدیکنی و بناء علیه ثباتی کورینه رک قوتلی سوز سوشک
اقتضا ایتدیکنی و بوجالده دوق دولدنورغک تضمیناتی آله رق [دانسیق]
دخی اله کچه جکنی و بوضورتله روسیه نك آور و پاده فوق العاده اجر از
نفوذ و شرف ایده جکنی ایمپراطور آلکساندره تأمینات قویه ایله بیان
ایتیش ایدی .

« ایسته روسیه عسکرینک حرکتیه پرنس قورا کینک تقریر متکبران سنک مفتاحی بوندن عبارت اوله رق شوقدرکه پرنس، متبوعنک منویاتندن غافل اولدینی قدر فطانت و درایتده راجل اولمسندن حامل اولدینی تعلیماتی حسن ادارهیه بدل حرفی حرفه اجرا ایتسنده ایویا پاماش ایدی. طبق بویله برکبر نابجا ایله فرانسه ایلچیمی لوریستون دخی ویلناده قبول ایدلماش ایدی.

« بنمده نوهوس دیپلوماتلرمک فنالنی شوایدی که: بونلر پک اوقدر فطین و مدبر اولمدقلری کبی اختلاط و مناسبت پیداسیله دوست قزاقق و ظرافتی مفتاح منویات ایتک خصیصه لرندن ده بی خبر بولمدقلرندن مسائل و مباحثده بهت غرور آمیز ایله دست و دهانلری باغلی طورر ایدی. اگر اسکی ارباب اصالته منسوب و نزاهت و فطانت مالک بر خاریجه ناظرم اولسه ایدی؛ ایلک ملاقاتنده روسیه نک افکار اصلیه سنی تمامیه کشف و تشخیص ایدرک بومحاربیه قوهده ایکن محوایلیه بیلیر ایدی. طالبان بلکه بوکا مقتدر ایدی. لکن یکی دیپلوماتلرمدن بویله بر اقتدار مأمول دکل ایدی.

بنده اعتراف ایدرم که روسیه نک منویات سیاسیه سنی کندی کندیمه کشف ایده مز ایدم. مسند و موقع بالذات اخذ معلوماته مساعد دکلدی. بن یالکز بگا اعطا اولسان معلومات تحریریه اوزرینه تأسیس محاکمهیه مجبور ایدم. آلدیغ کاغدلری ایسه هیچ بر حقیقتی مفید اوله مدقلرندن بیوده ره تکرار تکرار مطالعه ایدر طورردم. نهایت هیچ برشی استخراجنه مقتدر اوله میهرق بر ایدرم.

محاربیه بی اعلان ایدر ایتز هرشی آکلاشیله رق دشمنک مقصد اصلیه میبدانه چیقدی. اوچ درت کون صکره مظهر اولدیفز ایلک مظفریتدن ایمراطور آلکساندر دوچار استغراب اولمسندن نزدیمه برنی اعزام ایله استیلا ایتدیکم اراضی بی تخلیه ایله [نیه من] عودت ایدرسم

اوراده بنامه مکمله و مذاکره کیریشه جگنی اخبار ایتدیه ده بن بونی حیا
 ودسیه یه حمل ایدم . چونکه بن روسیه اردوسنی آلت اوست ایتدیکمدن
 بومظفرتله قبارمش ایدم . بن روسیه نك جنرال [باقریتون] قومانداسنده
 بولنان اردوسنی یارمش اولدیفندن آنی تمامیه تخریب امانده ایدم . بوسیله
 او تکلیف وقوع بولنجیه بونی فرار ایتك ویا ایکیه بولنجش اولان اردویی
 ینه توحید ایتك ایچون وقت قزانغه بردسیه ظن ایتدم . و بوظننده
 بولنجده معذور ایدم . اگر آلكساندر ك صفوت قلبه اعتماد ایتمش اولسه
 ایدم بو تکلیفه موافقت ایدم جگدم . بناء علیه بن (نییه منه) عودت
 ایدم جك ایدم . روسارده [دیوینا] نی کچمیه جکلردی . [ویلنا] بیطرف
 حالنه وضع اولنه جقدی . آلكساندر له ایکنز ایکیشر ، اوچر خاصه طابوریله
 اورایه کیدم جك وبالذات مذاکره ایدم جك ایدك . نه مکمل ترتیبار قورده .
 جقدم ...! امپراطور آلكساندر میدانه قویه جغم ترتیباتدن هانکیسنی
 منفعتیه موافق بولورسه انتخاب ایلیه جگدی . ایکی محب عزیز صفتیه
 یکدیگر مزه وداع ایدم جك ایدك

« واقعا بووقعه نی تعقیب ایدن وقوعات سایه سنده مشار الیه مظفر
 چقیدیه ده ذکر اولنان وقوعاتك نتایجی می کندیسنه فائده بخش اولمشدر ؛
 یوقسه تکلیف واقعی قبول اولنش بولنسه ایدیده آندن برطاقم نتیجه لر وقوعه
 کلسه ایدی اومی دهامفید اولور ایدی . ایسته بوراسی لایقیله تقریق
 واثبات اولنه مامشدر .

« مشار الیه واقعا مظفر آ پارسه واصل اولمشدر . لکن بوموا .
 صلته یالکر بولنیوب تکمیل اوروپا اقوامی برلکده ایدی . آلكساندر واقعا
 لهستانی قبضه تصرفه کیرمشدر . لکن اوروپانك حال سابقجه وقوعه کلان
 ترزل یوزندن کافه اقوامك دوچار ایدلدیکی تلاش و هیمانك نتایجی نه
 اوله جفی معلوم دکلدرد . کذلک روسیه نك یکیدن مملکتلر ضبط ایتمه سیله
 و روس عسکرینك مسافات بعیده یه شد زخل ایتله سیله روسیه نك بقه

ممالکی اوزرینه اوروپانک تراید نفوذندن نشأت ایدن نتایجک دخی نهدن عبارت بولنه جفی معلوم دکلد .

« روس حکمدارلری اله کچیردکلی ممالکی تحکیم و تقویه ایله اکتفا ایدیه جکلرمیدر ؟ حرص شان و عظمت برکرة کندیلرینی استیلا ایلدهده آرتق نه تشبثلرده بولغزلر ! نه غریب شیر ایقاعنه قالقشمزلر !

مع مافیه آنار موسقوه شهرینی و آنک ثروتی و منابع وارداتی و دیگر برخیلی شهرلرک واردات و حاصلاتی غائب ایتشاردر . بونلر اولیه یاره لردرکه یارم عصردن زیاده قنایه جقلردر . اکر وینلاده اجتماع و مکمله ایش اولسه ایدک عجبانه قدر اقوام و حکمدارانک رفاهیت و سعادت تأمین ایدیه جکلدی .

روسیه محاربه سی ازمئه حاضردهده وقوع بولان محاربه لره قیاس اولنه . مزدی . بو محاربه نی یالکر فرانسزلردکل آوروپا اهالیسنک اکثریسی ایستردی . زیرا بو حرب منطقه و منافع حقیقه اقوامه موافق و هرکسک امنیت و استراحتی منتج عد اولنیوردی . الحاصل محاربه مجبوره مصلحانه و مسالمتکارانه اولدیغندن بوکا عموم آوروپا سطحنه مخصوص بر محاربه نظریله باقیله بیلیر ایدی . اکر موفقیت حاصل اولسه ایدی بوندن نشأت ایدیه جک حسن موازنه و ترتیبات جدیده بلیات زمانه نی نابید ایلیه جک ویرینه بر استقبال آسایشکارانه اقامه ایدیه جک ایدی . افکارمده ایسه قطعاً حرص شان مفقود ایدی . لهستانی یعنی سدک مفتاحی تجدید و احیا ایتک ایستدیکمده بر پروسیا قرالنک ویا بر آوستریا آرشیدوقنک ویا خود دیگر برینک لهستان تختنه قعودینی تصمیم ایش ایدم . بن ماده هیچ برشیئ احراز ایتک ادعاسنده دکلدم . بن آنجق حسناتک شان و شرفنی و استقبالک دعوات خیره سنی کندیم ایچون تأمین ایتک عزمنده ایدم . بنم بویوزدن ضایعات و اضمحلاله دوچار اوله جفمی کیم مأمول ایدر ایدی ؟ بن عمرمده بوندن اعلا برشی یا پاماش ایدم . و بوندن زیاده سنه ده لایق دکلدم .

« افکار عمومیہ نك دخی كندیته مخصوص علل ساریه سی بولندیغندن، برآراق هر کس ده بکا غیظ و غرض پیدا اوله رق بنی آفت حکمداران ديه اعلان ایلدیلر. حال بوکه بن آنلرک وجود و حیاتی تحکیم و تشییده چالیشوردیم. بن حقوق اهالی بی محافظه ایچون نلر یادیم. ودها نلر یاپه حق ایدم. بکا حقوق عمومیہ نك مخربی نامنی ویردیلر. غریبدرکه یکدیگرک عدو اکبری اولان اقوام و حکمداران یالکر بنم ازاله وجودم امرنده اتفاق ایدرک علیهمده بیک درلو دسیاسه قیام ایلدیلر. اوان ظهورمدن بری اجرا ایتدیکم افعال جسیه بی کیسه نظر دفته آلمدی. بن کندی کندیه دیر ایدمکه « استحصال ایده جکم فتوحات ایله افکار عامه بکا توجه ایده جکدر. » فقط بوسفرده نائل ظفر اوله مدیغندن از یلدم قالدیم.

« ایشته اقوام ایله بنم حکایه بوندن عبارتدر. فقط کرک اقوام و کرک حکمداران و بلکه هر ایکسی برلکده بکا آجیه جقدر. هرکیم بنی در خاطر ایده جک اولور ایسه شخصمه واقع اولان حقسرانی فرق و تمیز ایده جکنده اصلا اشتباه ایتم.

« بونکه برابر روسیه محاربه سی تاریخی هیچ بروقت تمامیله بیلنمهیه. جکدر. زیرا روسلر حقیقت حالی یازمزلر. یازسه لر بیله حقیقت حاله اصلا اعتبار ایتمزلر. فرانسزلر ایسه بوبابده صانکه کندی شان و شرفلر بی کنیدیلری کسر و محو ایتمه عهد ایتمزلر کی بولنه جقدر. حقیقت حاله کلنجه: روسیه سفری اسکی و یکی تاریخلرک [غولوا] لر حقسنده بحث ایتدکلری محارباتک اک شرفلیسی، اک مشکلی و اک معتبری در.

« عجب بوقدر شان و شرف حقیقیدن برازشی اولسون ادوار مستقبله یه انتقال ایده جکمیدر؟ یوقسه کذب و افترا و جنایتی حکم و غلبه ایله جکدر!

« وقوعات عظیمه هنوز کوز اوکنده ایکن حقیقت حال برطاقم اعراض و اسنادات ایله ستر ایدمک ایستیور. خلقه مخصوص اولان

حقیقتك تاریخچه مخصوص اولان حقیقه تمامیه مغایر دوشدیکي بك چوق
 وقایعه کورولشدر . کویا بن روسیه اعلان حرب ایلدیکم ائنده سفرك
 قواعد حقیقه سنه اهمیت ویرمهرك اون اینجی شارل کبی بلا تأمل دشمن
 برقوم اینجه آتیلویرمش وَ دشمنك ساخته بررجعته فریفته اوله رق اوزرینه
 یورومش وَ فن حربك کافه قواعدینی - که اکثریسی کندی زاده ملاحظه
 تمدر - فراموش وَ یاخود یایمال ایدهرك ارزاق وَ لوازم ده بولندن برخیلی
 مسافه تباعد ایشلش وَ آرقه مده بر احتیاط اردوسی بولندیرمقده غفلت ایشلش
 وَ کندیعی ایلرولمکدن منع ایتک ایستیان حرب آزما جنراللرمک نمایشلرینه
 مقاومتله آردمده بولنان عسکرک تسلیمه سبب اولمش وَ طرق مخابراتك قطع
 وَ ذخایر قافله لرینك توقیف ایلدیکي کورهرك ناچار قالمش وَ موسقوده
 اویوبوب موسم شتاتك شدتی اولجه تخمین ایده مامش وَ هیچ بر امید
 قالمدیغی کورنجه اردویی ترك ایشلش ایشم !

« روسیه محاربه سنده اردو دویولری ویستول نهری اوزرنده اوله رق
 موسقوده دن الی کونلك بعد مسافه ده دکل ایدی . (نیسه من) شهرینی
 مرور ایدن درت یوز بیك نفر دن ایکی یوز قرق بیگی احتیاطاً نه ر مذکور
 ایله [بورستن] نه ری آره سنده اقامه ایدلمش وَ یوز آلتش بیکی اسمولنسکی
 تجاوز ایدرهرك موسقووه اوزرینه یوریش ایتدکدن صکره بونك قرق بیکی ده
 (قدمه) نظامی اوزره (اسمولنسک) ایله (موژایسک) آره سنده توقف
 ایلدیکدن لهستانه طوغری رجعت غایت آسان بولنش ایدی . بکا هیچ
 بر جنرال نمایشه اجتبار دکل حتی (بره زینا) نه ری اوزرنده توقف ایتک
 لزومنی بیله اخطار ایتدکدن بشقه جنراللرمک عمومی موسقووه ضبط
 اولنجه محاربه ختام بوله حق اعتقادنده اولدقلرندن بالعکس ایلرولمکی آرزو
 ایدرلر ایدی .

« بن اسمولنسک شهرینه قدر عینیه فرانسه کبی کندی امر ونیمه
 مهیا بر مملکتده اجرای حکم و اداره ایتکده ایدم . اهالی وَ مأمورین بکا

طرفدار ایدیلر . بن اورالردن ایستدیکم کبی عسکر و بارکیر و ارزاق طوپلایه
بیلیردم . اسمولنسک ایسه بر موقع مستحکم ایدی .

« اون ایکنجی شارلک سفریله بنم سفرم آره سنده کلی فرق وار
ایدی : اون ایکنجی شارل کندی خط عملیاتی فدا ایدرک درت یوز میل
مسافده غافلانه حرکت ایش اولدیغندن حرب تعرضیه متعلق اولان
قواعدک کافه سی پامال اولمش ایدی بنم سفرمده ایسه بوقواعدده تمامیه
رعایت ایدلمشدر .

اگر موسم صیف اولسه ایدی نه آمیرال (چیچاقوفسک) ونده
(کوتوسوفسک) اردولری فرانسز اردوسنه اون کونلک مسافیه قدر تقریه
جسارت ایده بیلیرلر و ایتسه لر حرارته عرض اولمش بوز کبی اریوب محو
اولورلر ایدی . روسیه سرانی فرانسز اردوسنک پته رسپورغ اوزرینه
یوریمسندن اوقدر خوف ایتمشدرکه کندی اوراق ودفاتر قیودیه الک ذیقیت
خزینهنی لوندریه ارساله مجبور اولمش و پای تختی محافظه ایچون لهستانده
واقع (بودولی) دن (چیچاقوف) اردوسنی پته رستورغه جلب ایشدر .
اگر موسفوه آتسه ویرلامش اولسه ایدی ایمپراطور آلکساندر
مصالحه تکلیفنه مجبور اوله جق ایدی . موسفوه نک احراقیدن صکره اگر
شدید صفوقلر وقت معتاددن اون بش کون مقدم باشلاماش اوله ایدی
اردو برکونه تلفاته دوچار اولقسزین اسمولنسکه مواصلت ایدر . واوراده
ایسه موسفوه و (مالوی . ژاروسلاویچ) ده مغلوب اولمش اولان روس
اردولرندن بلا خوف و حدز قشلایه بیلیر ایدی .

« موسم شتاده کانون اول ایله ثانیده برودتک کسب اشتداد ایلدیکی
معلوم اوله رق فقط آندن اولکی یکرمی سنه لک استایستیق معلوماتنه نظراً
میران الحرارهنک تشرین ثانی ابدالرنده صفردن اون طقوز درکبه تترل
ایدرک اوزته لغک انجماد ایده جکنی کیمسه خاطره کتیرمز ایدی . اگر اردو
اوج کون اول طاورانه ایدی کمال انتظام ایله رجعت ایدردی . فقط بو

اوج کون ظرفنده اوتوز بیک بارکر تلف اولمش ایدی . موسقوده دوت کون زیاده قالدینی ایچون بکا عطف خطا اولنیور . بو افندیلر بنجه برابر بولنوبده نه ایچون قالدینی کشف ایتشارمی ایدی ؟ بن لهستانه عودت وقت قزاقق اوزره ایدم . زیر اجهت شمالیه ده موسم خریفک برخیلی امتداد ایتدیکی اربابنه معلومدر . اوغرادینغز احوال استثنائیه کبی مستثنا حاللره قصور دیه اطلاقدن ایسه جلو طلع عنوانی ویرمک دهامفقول دوشر .

« اردو موسقوده حرکت ایتدیکی زمان برابرنده یکریمی کونلک ارزاق بولنیوردی . بوقدر ارزاق ایسه استولنسکه مواصلت ایچون مع زیاده کافی ایدی . زیر (منیسک) و (ویلنا) به قدر اولان مسافه لری آسه بیلک ایچون استولنسکدن ایتدیکی قدر ارزاق آله بیلیر ایدی . فقط حیوانات ثقلیه و طوطی و سوارلی بارکیلرینک اکثریسی صغوقدن تلف اولدیله . اردونک نظام و انتظامی بوزوله رق اردولق حالتدن چیقیدی . ویلنا اوکنده احراز موقع ایتمک ممکنیز اولدی . پرنس دو (ایشوارسنبرغ) ایله جنرال (دینه) نلک ویستول نهری اوزرنده بولنان قول اردولری آلدقلری امر موجبجه منیسک شهرینی محافظه ایدهرک عسکرک امدادینه شتاب ایدهلک یره عموم اردوینی ترک ایله وارشاویاه چکدیلر . اگر بوزلر منیسکه کتسه لرایدی (دومبرووسکینک) فرقه عسکریه سنه التحاق ایدرلر ایدی . دومبرووسکی (بوریشوو) ی یالکز مدافعه ایدهمدیکندن آمیرال چیچاقوف موقع مذکور استیلا ایشلدر . آمیرالک تصویری بره زینا نهرینی طوتمق اولیوب پته رسبورغی محافظه ایچون (دبوییه) نهری اوزرینه یوریمک ایدی . ایشه بوراده دوق دو (رچیو) چیچاقوفه تصادفله انی مغلوب ایتمش و بره زینانک صاغ طرفه آتمشدر . چیچاقوف بره زینا نهرینی مروردن صکرده مغلوب اولمشدر (دومیر) لک زرهلی عساکری برهجموده آنک اون سکر بیک کشینسی اسیر ایتمش ایدی . » ویلنایه ایکی کونلک مسافه ده بولوندینی زمان اردو ایچون برکونه

تهلکه قالمش ایدی . بیاء علیہ بن پارسده بولتقلغم الزم ایدوکنی وپروسیه ایله
 آوستریا په یالکز اورادن حکم ایده بیله جکمی وحرکتی تأخیر ایده جک
 اولسه بلكه طریق عزیمتک بالکلیه سد اولته نیتسنی ملاحظه ایده رک
 اردومی نابولی قرالیله پرنس نوشتالته ترك وتودیع ایله کندم پارسه
 کتمش ایدم .

« اوصرده عساكر خاصه تکمیل بولندیگی کبی [دیوینا] نهری
 اوزرنده بولنان دوق دو (طارانت) ك قول اردوسی حسابه داخل
 اولقسزین اردوده سکسان بیکدن زیاده جنگجی فرانسز موجود ایدی .
 روس اردوسی ایسه طوپی الی بیک نفردن عبارت قالمش ایدی .

« ویلناده دقیق، پکستاد، شراب، ات، قوری سبره، اوت فوق العاده
 مبذول ایدی . شهر مذکوردن اثنای مرورمده ذخایر و ارزاق حقنده بکا
 ویریلان راپورطلرده، اووقت محل مذکورده درت میلیون اوت تعینی
 و اوچ میلیون ۶۰۰ بیک ات تعینی وطقوز میایون شراب تعینی بولندیگی
 و دبویلر طولوسی البسه و مهمات موجود ایدوکی محرر ایدی .

اگر کندم اردوده قالمش اولسه ایدم و یاخود قوماندینی پرنس اوژنه
 حواله ایتمش بولنسه ایدم، اردو ویلناتک اصلا بوطرفه کچمز ایدی .
 بر احتیاط قول اردوسی وارشایاده و دیگر بر قول اردوده [کنیکسبرغ] ده
 بولندیگی حالده بر قاچ قزاغک هجومه مقاومت ایدیله میه رک پریشان بر حالده
 کیچه وقتی و بلنایی تخلیه ایتمشاردر . ایسته روسیه محاربه سنک تلفات
 عظیمه سی اک اول بوتاریخندن بدأ ایدر .

بنم اردوده وجودم نصل مقتضی ایسه پارسده بولتقلغم ایکی قات
 الزم ایدی . بر آدم بر آنده ایکی محله بردن اثبات وجود ایتکه نصل مقتدر
 اوله بیلسون . ویلناده اتحاد اولنان شاشقنجه حرکتی بن عمرمده خاطر
 و خیالدن کچیره بیلمی ایدم .

شایان اسف اولان شو محاربه ده تلفاتمز شبهه سز کلیتی بولنخس ایسه ده
ظن و مبالغه ایدلدیکی درجه ده دخی دکلر . ویستول نهرینی کذار ایدن
درت بوز بیک کشینک نصفی آوستریا و پروسیا و ساقسونیالی و لهستان و باویرا
و و برتبرغ و باد و هس و ویستفالی و مکلنبورغ و اسپانیا و ایتالیا و ناپولی
خلقندن مرکب ایدی . اصل اردونک که بالذات بنم معتمد ایدی، برثلئی
فلنک، بلجیقا، و (رین) نهری سکنه سیله (بیه مونتا) و اسویجره و جنوا
و طوسقانه و روما و اوتوز ایکنجی فرقه عسکریه منسوب ایالات ایله (بیرم)
و (هامبورغ) اهالیسندن ایدی . بناء علیه اردوده فرانسرجه سویلر
آنجق یوز قرق بیک نفر موجود بولنیوردی . روسیه محاربه سنده فرانسه
نهایه النهایه الی بیک تلفات ویردیکی حالده روسیه اردوسی موسقوده دن
(اودر) ه کیدرکن شدت شتایه طوتیلهرق ویلنایه مواصلتنده الی بیک
کشییه تنزل ایتمش و قالیشه وصولنده اون سکر بیک نفر دن عبارت قالمش
ایدی . بوحسابجه روسیه نك دوچار اولدینی ضایعات فرانسه نك ضایعات
عسکریه سندن آلتی قات زیاده ایدی .

احتمال که مفرداته متعلق اولان شو افاداتم بروقت اولوبده نشر
اولنورسه اصحاب مطالعه یه غریب کورینه بیلسون . فقط بوسوزلرمی فرا .
نسه نك خزائن اوراقی هر دقیقه ده اثباته حاضر و اوراده کی قیودی ایسه
ناموس عسکری متکفل اولدیفندن تغیر و افسادی ناقابلر .

فقرات تاریخیه

عثمانلیلر میاننده تمیور باش دیه مشهور اولان ایسوهچ قرالی اون
ایکنجی شارل برکون پک زیاده مست اولدینی صهرده والده سته ایفاسی
لازم کلان حرمته بدل محل رعایت حرکتده بولنور . والده سی مشار الیهک